

गजानंद देव बड़ा मतवाला,  
सरस्वती माँ ने गजानंद सिमरु,  
हाथ खड़क छोगाला,  
गजानंद सोमी बड़ा सुंडाला ॥

चार सखियो मंगला गावे,  
इच्छा पुरावण वाला,  
रिद्धि सिद्धि नारी थोरे संग में विराजे,  
शिव शक्ति रा बाला ।  
गजानन्द देव बड़ा मतवाला,  
हाथ खड़क छोगाला,  
गजानंद सोमी बड़ा सुंडाला ॥

राजा सिमरे प्रजा सिमरे,  
सिमरे जोगी जटाधारा,  
उठ प्रभाते वेपारी सिमरे,  
रोजी पुरावण वाला ।  
गजानन्द देव बड़ा मतवाला,  
हाथ खड़क छोगाला,  
गजानंद सोमी बड़ा सुंडाला ॥

राम सिमरे लखमन सिमरे,  
दस अवतारा,  
उठ प्रभाते ब्रह्मोजी थाने सिमरे,

वेद बसावन वाला ।  
गजानन्द देव बड़ा मतवाला,  
हाथ खड़क छोगाला,  
गजानंद सोमी बड़ा सुंडाला ॥

सूरज सिमरे संदा सिमरे,  
सिमरे नवलख तारा,  
उठ प्रभाते इंदर थाने सिमरे,  
जल बरसावन वाला ।  
गजानन्द देव बड़ा मतवाला,  
हाथ खड़क छोगाला,  
गजानंद सोमी बड़ा सुंडाला ॥

नाथ गुलाब गुरु पूरा मिलिया,  
हिरदे हुवा अजुवाला,  
भवानी नाथ सतगुरुजी रे चरणे,  
खुलिया भरम रा ताला ।  
गजानन्द देव बड़ा मतवाला,  
हाथ खड़क छोगाला,  
गजानंद सोमी बड़ा सुंडाला ॥

गजानंद देव बड़ा मतवाला,  
सरस्वती माँ ने गजानंद सिमरु,  
हाथ खड़क छोगाला,  
गजानंद सोमी बड़ा सुंडाला ॥

गायक सुरेश लोहार ।  
भजन प्रेषक सांवलाराम प्रजापत

9610721737

Source: <https://www.bharattemples.com/gajanand-dev-bada-matwala/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>